



Il mas-chalch da Sent

www.sent-online.ch

sent@engadin.com

november/december 2016

MAS-CHALCH

Infuormaziun a regard il Mas-chalch da Sent

- ⇒ **Il prossem mas-chalch cumpara ils 19 december**
- ⇒ **Ils texts ston gnir tramiss o dats giò fin ils 13 december i'l büro da Sent Turissem**
sent@engadin.com.

- Il mas-chalch dess gnir pichà oura e distribui in lös publics. El po gnir retrat in seguaints lös: büro da turissem, butia da Plaz, furnaria Benderer, bacharia Zanetti, furnaria Clalüna, grotta da cultura e butia Schlerin Cafè creativ.
- Ils texts ston esser scrits in rumantsch (ev. rumantsch e tudais-ch) e nu das-chan esser massa lungs.
- Per societats sun las publicaziuns gratuitas, per privats cuosta frs. 20.-.
- Ils texts pel Mas-chalch vegnan ramassats i'l büro da Sent Turissem. Scha pussibel giavüschaina texts in fuorma digitala.

ARRANDSCHAMAINTS

Societats chi vöglian publichar arrandschamaints han seguaintas pussibilitats:

- a) Mas-chalch da Sent : tenor infuormaziuns sülla prüma pagina
- b) Pagina dad internet www.sent-online.ch: annunzchas per mail a Cla Rauch, cla.rauch@bluewin.ch
- c) Chalender d'arrandschamaints da la destinaziun turistica:
www.engadin.com => Events => Veranstaltung erfassen
Quellas occurrenzas vegnan publichadas eir ill'Allegra, schi sun annunzchadas avant il termin da la fin da redacziun da l'Allegra.

SOCIETÀ D'ÜTIL PUBLIC – concerts illa baselgia da Sent

Sonda, 3 december 2016, 20:15 h, 25.-, baselgia Sent

NICULIN JANETT QUARTET FEATURING RICH PERRY

Niculin Janett, Alto Sax/ Rich Perry, Tenor Sax / Raphael Walser, Bass / Claudio Strüby, Drums.

"No Parking Any Time", es gnü realisà a Brooklyn NY d'ürant la stà 2015. Quai es la prüma registraziun dal quartet Niculin Janett.

Dumengia, 11 december 2016, 15 h, collecta a favur da la „Chadaina da furtüna“, baselgia

CONCERT DA NADAL

2016 ha RTR l'onur dad organisar il concert da Nadal da la SSR SRG. Part a quel concert fan 6 fuormaziuns da las 4 regiuns cultural-linguisticas da la Svizra. Quel concert vegn lura eir emiss ils dis da Nadal (24/25 da december) da tuot ils radios da la SSR SRG (RSI, RTS, SRF e RTR).

Ils interprets: La Cumbricula e C'est si B.O.N. (Engiadina), Trio Elisa Netzer (Ticino), Quartet da tübas Les tubadours (Vaud) e'l Terzet da jodel Meier-Berweiger-Preisig (Appenzell). Moderaziun: Maria Victoria Haas.

lündeschdi, 26 december 2016, 17 h, 20.-, baselgia

CONCERT PER LA FIN DA L'ON

Helma Leenhouts, violina Jan Hoijtink, clavazin

Program:

P. Locatelli (1695-1764) Sonate 'Au Tombeau' in f–minur opus 6 nr.7

J. Stravinsky (1882-1971) Suite Italienne pour violin et piano

S.Prokofiev (1882-1971) Les Montagues et Capulets

E.Grieg (1843-1907) Sonata per violina e clavazin in g-minur op.13

GROTTA DA CULTURA – prosmas occurrenz

infuormaziuns detagliadas i'l Allegra e suot <http://www.grottadacultura.ch>

Marcurdi, 7 december, 20:15 (Schigliana, collecta)

Flur da mandels / Mandelblüten – Rut Plouda (text) e Peter Horber (illustraziuns) preschaintan lur nouv cudesch per uffants (vallader e tudais-ch).

Sonda, 17 december, 17:00-19:00 (Schigliana)

Vernissascha: exposiziun da purtrets e sculpturas dad Ursina Gianotti, Tina Planta e Tina Puorger.

Sonda, 17 december, 19:30 e 21:30 (Piertan, 20.-)*

Concert: Duos & Duos – Quatter juven musicists da Valsot, Nina Mayer (chant), Sidonia Caviezel (orgel da man) ed ils frars Jon Flurin ed Andrin Kienz (divers instrumaints) preschaintan veglias e novas chanzuns rumantschas, in duos concerts identics.

Marcurdi, 28 december, 17:00 (Schigliana, collecta)

Philosophisches Früh-Abendgespräch mit Dr. Martin Pernet: Was Zeit ist, wissen wir alle und können doch nicht sagen, was das eigentlich ist – Nachdenkliches zwischen Jahresende und Neujahrsbeginn zum Thema *Zeit*.

*(is po reservar plazzas il di avant da las 17:00 fin las 19:00, tel. 079 439 89 22)

RAPRESCHANTANZA LOCALA – !!!! Spostamaint dal termin !!!!

La sairada da discussiun chi d'eira previssa per gövgia ils 24 november vain suspaisa. Tenor las infuormaziuns dal capo cumünal vegn la populaziun infuormada e po decider ils prossems mais sur da divers temas importants. I's tratta dal reglamaint da contribuziuns a societats, da la ledscha da turissem, da la planisaziun cumünala, da la ledscha da fabrica ed oter plü. A regard quists temas less la SÜP promover la discussiun per pudair infuormar a la suprastanza cumünala ils bsögns e las particularitats da Sent. La documainta davart dal cumün sco basa da discussiun nun es però amo pronta. Perquai vaina decis da spostar la sairada da discussiun sül mais schner o favrer. Ulteriuras infuormaziuns seguan.

BALLARAIT - 37 avel turnier da ballarait

Als 10 e'ls 11 da december haja nom a Sent pella 37 avla jada: «Turnier da ballarait». Dürant quels duos dis vegna giovà a Sent da bunura bod fin d'saira tard a ballarait in sala da gimnastica da la scoula da Sent. S'annunzchar as po minchün sco singul, las gruppas vegnan fattas dals organisatuors. I füss bel da verer passas, salvadas, smashes e fintas da giuven e vegl, principiant ed avanzà, scolar e rutinier.



Hast uossa eir tü survgni vöglija da't participar?

Schi t'annunzcha fin il plü tard in dumengia, als 4 da december 2016 pro las seguaintas mattas dal s-chalin ot:

- Sina Stecher 081 864 96 35

- Claudia Franziscus 081 864 86 56

La taxa da partecipaziun pels creschüts es fr. 7.-. Pels uffants es la partecipaziun gratuita (gionar pon be scolaras e scolars dal s-chalin ot).

No'ns allegrain da verer quella fin d'eivna eir a tai in sala da gimnastica.

Claudio Melcher e Gian Caviezel

PER NOSSAS SENIORAS / PER NOSS SENIORS**Far pastinas insembel cun Nesa Valentin**

Gövgia, als 1. december 2016 a las 14.00 invida la Pro Senectute ad ün davomezdi da pastizeria in chasa da scoula

Annunzchas a Chatrina Ritzmann ed Annelise Süssstrunk, rapreschantantas Pro Senectute, tel. 081 864 93 59 o 081 864 70 60

Giantar d'Advent per las senioras e pels seniors

Dumengia, als 11 december 2016 a las 12.00 in Chasa Misoch. La società da duonnas invida a tuot las personas sur 70 ons a l'Advent tradiziunal cun giantar cumünaivel

Annunzchar fin il plü tard dumengia, als 4 december 2016 ad Annatöna Pult, tel. 081 864 86 82 o 079 441 65 24.

Adüna il lündeschdi, a las 14.00 in Chasa Misoch: Gimnastica per las duonnas, Pro Senectute, manadra Elisabeth Poo, tel. 081 864 18 20

Adüna il marcurdi a las 14.00 in Chasa Misoch : Società da duonnas

Infuormaziun: Doratea Stupan, tel. 081 864 04 75

DI DA LAS PORTAS AVERTAS

Invid al di da las portas avertas pro Ursina Margadant, Curtin 14, 7554 Sent, in

venderdi, ils 9 december 2016 da las 14.00 a las 20.00

In quist'occasiun lessa ingrazchar a mia stimada cliantella, vaschins, cuntschaints ed amis per il grond sustegn d'ürant meis lung temp da malatia.

Ursina Margadant

DA FITTAR A SENT / IN SENT ZU VERMIETEN

Da dar a fit ün studio: Il Fuorn 226, 7554 Sent

Studio inclusiv mobiglia e cuosts supplementars, frs. 600.–. Sün giavüsch, piazza da parcar frs. 50.–

Theres Gianom

079 399 64 44

FANESTRAS D'ADVENT

Eir quist on daja darcheu las fanestras d'Advent. It a verer e giodai la bellas fanestras decoradas ed inglüminadas! Pro quellas fanestras chi sun marcadas cun "avert" daja amo üna surpraisa. Illa glista agiunta as vezza ils detagls. Grazcha fichun a tuots per la buna e bella lavur.

Gianna Rauch Poo

CLUB SKIUNZS SENT - Radunanza

La radunanza generala dal club skiunzs Sent ha lö ils **1. december a las 20.30** i'l restaurant Chasa Veglia. Eir commembers novs sun amiaivelmaing invidats.

Il comité


TURISSEM - blog da 100 dis dad Urs Wohler

D'ürant seis ultims 100 dis d'uffizi sco directur da la TESSVM scriva Urs Wohler mincha di ün blog. Suot www.engadin.com – service as poja leger quels.

Interessants sun p.ex. seis impissamaints dals 24, 25 e 26 october a regard structuradas e gremis illa regiun.

Sent Turissem

FANESTRAS D'ADVENT 1. – 24 DECEMBER 2016



1	Milla Nogler
2	Marianne Werro (avert 17h)
3	Madlaina Franziscus
4	Sabine Kaufmann Staub
5	Bacharia Zanetti, Sabina
6	Barbara Kreienbühl
7	Marianna Pua
8	Rita Nuotclà

9	Andrea Benderer
10	Ladina Guler
11	Ruben Bodenbeläge, Susanne
12	Fina Zanetti (avert 18h)
13	Tina Weiss
14	Regula Felix
15	Gianna Rauch Poo
16	Cuafför Allegrìa, Nadja (avert 18h)

17	Marina Jann, scoula Sent (3./4. classa)
18	Nesa Valentin (avert 17:30h)
19	Heidi Laurent
20	Nienke Ebben
21	Christina Sedlacek (17:30h)
22	Christine Benes
23	Dorota Jacobs
24	Lidia Domenig